

Cartas nordic



Un serie de photos de locationes in le pais nordic
– e lor historia narrate in alcun lineas in interlingua como inspiration.



Interlingua – communication sin frontieras
www.interlingua.dk | www.interlingua.com

© 2017

■ **Ilulissat, Groenlandia:** 180 kilometros al nord del circulo polar se trova Ilulissat, urbe numero tres in grandor sur Groenlandia e hospite del famose Fiord Glacial, registrate como Hereditage Mundial per UNESCO. Centos, si non milles, de icebergs blanc como nive comencia lor viage ci e crea un imagine phantastic como contrasto al mar blau clar. Le groenlandeses sape ben como navigar inter illos sin risco. Ci duo personas practica verter con lor canoas proxime al roccas. Il ha quasi nulle aves, ma le humiditate significa multe mosquitos in junio e julio. *Photo e texto: Thomas Breinstrup*



Questiones

1. Proque es le Fiord Glacial mundialmente famose? Que occorre la?

2. In qual pais – e ubi – se trova Ilulissat?

3. Que vide tu in le photo?

4. Que face le duo personas in canoas?

5. Esque on vide multe animales in Ilulissat?
